



Møtebok for Kommunestyret

Møtedato: 19.06.2019
Møtestad: Kommunestyresalen
Møtetid: 15.00 - 17.15

Møtet var styrt av ordførar Øyvind H. Oddekalv, AP.

Medlemmene var innkalla i skriv dat. 12.06.2019 og møtet var kunngjort i pressa 08.05.2019.

Det var ikkje kome inn spørsmål til spørjetimen.

Lensmann Kjell Idar Vangberg orienterte om avtale om tenestetilbod mellom Meland kommune og Nordhordland lensmannsdistrikt og resurssituasjonen ved Nordhordland lensmannskontor.

Programansvarleg Ørjan Raknes Forthun orienterte om status Alver kommune.

I starten av møtet spelte ein elev frå Meland kulturskule på fløyte.

Det låg føre 2 grunngjevne spørsmål som ordførar svarte på i slutten av møtet.

Kommunestyret hadde pause frå kl. 16.10 - 16.20.

Møtedeltakarar	Parti	Rolle
Øyvind H. Oddekalv	AP	Ordførar
Anne Grete Eide	AP	Medlem
Erling Rønnestad	KRF	Medlem
Tormod Skurtveit	AP	Medlem
Kjersti Vikebø Nesse	AP	Medlem
Asbjørn Larsen	AP	Medlem
Åshild Aamli	MDG	Medlem
Tom Inge Karlsen	AP	Medlem
Åse Nina Sudmann	AP	Medlem
Øystein Berland Blom	H	Medlem
Mabel Johansen	H	Medlem
Thomas H. Wallem	H	Medlem
Fredrik Seliussen	H	Medlem
Øyvind Bratshaug	FrP	Medlem
Henriette Fennelly	FrP	Medlem
Sølvi Norunn Knudsen	SP	Medlem
Rune Lekven Skår	SP	Medlem
Marit Samnøy Jøssang	KRF	Medlem
Stian Lavik	KRF	Medlem
Leif Johnsen	MDG	Medlem
Morten Klementsén	BF	Medlem

Marthe Aadland	H	Varamedlem
Tore Kvalheim	FrP	Varamedlem
Astrid Anne Fjeldstad	SP	Varamedlem
Nina Åsebø Olsvoll	Uavh	Varamedlem
Roy Tore Skaar	FrP	Varamedlem

Forfall meldt frå følgjande medl.	Parti
Beate Seveline Eknes	Uavh
Nils Marton Aadland	H
Per Kristian Holmetun	SP
Sigmund Larsen	FrP
Silje Ingelin Sæterstøl	V
Ørjan Evald Kristiansen	Uavh

Desse møtte frå administrasjonen: Rådmann Martin W. Kulild, sektorsjef teknisk Anny Bastesen og økonomisjef Per Inge Olsen.

Protokollfører: Randi Hilland

25.06.2019

Øyvind H. Oddekalv
Ordfører

Sakliste

Saknr	Tittel
28/2019	Godkjenning av innkalling og sakliste
29/2019	Godkjenning av møteprotokoll
30/2019	Referatsaker
31/2019	Orientering om status Alver kommune
32/2019	Økonomisk rapportering 1. tertial 2019
33/2019	Godkjenning av avtale om tenestetilbud - Meland kommune og Nordhordland lensmannsdistrikt
34/2019	Bygging og finansiering av ny hovudvassleidning langs Mjåtveitvegen
35/2019	Utpeiking av setjeordførar

Sakspapir

Saksbehandlar	Arkiv	ArkivsakID
Randi Helene Hilland		19/1274

Saksnr	Utvalg	Type	Dato
28/2019	Kommunestyret	PS	19.06.2019

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Kommunestyret - 28/2019

KS - behandling:

Ordførar opplyste at det vert oppretta ei ekstrasak som vert behandla på slutten av møtet.
Sak 31/2019 vart handsama etter sak 34/2019.

KS - samrøystes vedtak:

Innkalling og sakliste med ei ekstrasak vert godkjent.

Sakspapir

Saksbehandlar	Arkiv	ArkivsakID
Randi Helene Hilland		19/1274

Saksnr	Utvalg	Type	Dato
29/2019	Kommunestyret	PS	19.06.2019

Godkjenning av møteprotokoll

Vedlegg:

Protokoll - Kommunestyret - 15.05.2019

Saksopplysningar:

Framlegg til vedtak:

Møteprotokoll frå møte 15.05.2019 vert godkjent.

Kommunestyret - 29/2019

KS - behandling:

KS - vedtak:

Møteprotokoll frå møte 15.05.2019 vert godkjent.

Sakspapir

Saksbehandlar	Arkiv	ArkivsakID
Randi Helene Hilland		19/1274

Saksnr	Utvalg	Type	Dato
30/2019	Kommunestyret	PS	19.06.2019

Referatsaker

Underliggende saker:

Saksnummer	Tittel
30/2019.1	Meland kontrollutval - Møteutskrift frå møte 23.05.2019
30/2019.2	Innspill til kommunens behandling av Nasjonal ramme for vindkraft på land - Høringsfrist 1. oktober
30/2019.3	Budsjett og økonomiplan 2019

Saksopplysningar:

Framlegg til vedtak:

Meldingane vert tekne til orientering.

Kommunestyret - 30/2019

KS - behandling:

Ordførar refererte skriv nr. 2.

Frist for kommunane å sende inn innspel er sett til 1. oktober.

Formannskapet vil ta det opp på møtet i september.

KS - samrøystes vedtak:

Meldingane vert tekne til orientering.

Sakspapir

Saksbehandlar	Arkiv	ArkivsakID
Martin W. Kulild		19/1274

Saksnr	Utvalg	Type	Dato
31/2019	Kommunestyret	PS	19.06.2019

Orientering om status Alver kommune

Saksopplysningar:

Framlegg til vedtak:

Orienteringane vert tekne til vitande

Kommunestyret - 31/2019

KS - behandling:

Programansvarleg Ørjan Raknes Forthun orienterte og viste ein powerpoint-presentasjon om status Alver kommune.

KS - samrøystes vedtak:

Orienteringane vert tekne til vitande

Sakspapir

Saksbehandlar	Arkiv	ArkivsakID
Hans Petter Helgesen	FE-210	19/1284

Saksnr	Utvalg	Type	Dato
47/2019	Formannskapet	PS	12.06.2019
32/2019	Kommunestyret	PS	19.06.2019

Økonomisk rapportering 1. tertial 2019

Vedlegg:

Økonomirapport 1. tertial 2019 - Inkl. finansrapport og nøkkeltak drift - oppdatert 12.06.2019

Saksopplysningar:

Bakgrunn

Vedlagt følger rapport per 1. tertial 2019 med økonomisk og finansiell status, samt diverse nøkkeltal per 30.04.2019.

Rapporten har følgjande hovuddeler:

1. Status drift per tenesteområde med framlegg til budsjettjustering
2. Status investeringsprosjekt
3. Framlegg til budsjettendringar investeringsprosjekt
4. Finansrapporten som finansreglementet krev at vi skal legge fram kvart tertial.
5. Diverse ikkje-økonomiske nøkkeltal

Vurdering

Per 30.04.2019 viser driftsrapport med prognose at vi ventar eit meirforbruk på kr 1,18 mill samla for året. Meirforbruket fordeler seg mellom skulene med kr 0,7 mill og Helse 0,3 mill. PUK og Marihøna barnehage rapporterer mindre avvik. Heimetenestene og sjukeheimen har hatt høgt aktivitetsnivå, men har så langt dekkja dette innafor gjeldande rammer. Totalt gjer rådmannen framlegg om å auke ramma til fordeling på tenesteområda i budsjettet for 2019 med kr 1,18 mill.

Rådmannen forventar auke i inntekter frå skatt og rammetilskot utover gjeldande budsjett for 2019. Høgare skatteanslag nasjonalt i revidert nasjonalbudsjett, og høgare folketal 1/1-2019 enn rekna med i budsjettet, gjer forventa inntektsauke på kr 2,9 mill til Meland kommune.

Inntektsauken foreslås å finansiere auka ramme til tenestoområda med kr 1,18 mill, samt styrke disposisjonsfondet med kr 1,72 mill.

Disposisjonsfondet var ved utgangen av 2018 på kr 26,1 mill. Ved utgangen av 2019 budsjetteres det med kr 9,7 mill i fondet. Med rådmannens forslag vert fondet auka til kr 11,4 mill ved årsslutt.

Investeringsrapport per 1. tertial viser at det er påløpt kr 17,5 mill av totalt investeringsbudsjett på kr 261,3 mill. for 2019. Ingen prosjekt har vesentleg meirforbruk samanlikna med budsjett.

På ein del investeringsprosjekt er ikkje framdriften slik den var planlagt i budsjettet, og rådmannen gjer framlegg om å redusere investeringsbudsjettet samla med i alt kr 22,4 mill. I framlegget ligg det nye prosjekt for kr 4,1 mill, nytt låneopptak startlån kr 7,0 mill, og reduksjon av enkeltprosjekter og overføring til 2020 på kr 33,5 mill. Summen som foreslås overført til 2020 utgjer kr 30,6 mill, og vil bli lagt inn i budsjettframlegget for 2020.

Finansdelen i tertialrapporten viser at finans- og gjeldsforvaltninga til kommunen er innanfor gjeldande finansreglement.

Sjå elles vedlegget for status på ulike nøkkeltal i den vedlagte tertialrapporten.

Oppsummering av framlegg til budsjettendringar:

Framlegg til vedtak:

Driftsrekneskapen:

1. Auke i inntekter frå skatteanslag i revidert nasjonalbudsjett og befolkningsvekst kr 2,9 mill.
2. Auke utgiftsramma til tenestoområda delegert til rådmannen å fordele: kr 1,18 mill.
3. Reduksjon i bruk av disp.fond med kr 1,72 mill.

Investeringsrekneskapen:

4. Auke i investeringsprosjekt 253 og nye prosjekter innan skule, barnehage og V/A kr 4.088.000,-
5. Reduksjon 2019 og overføring av investeringsmidlar til 2020 på følgjande prosjekt nr 380, 544, 578, 601, 654, 676, 677. Samla kr 33.492.000. Sjå vedlegg for spesifikasjon per prosjekt.
6. Auke startlån (for vidareutlån) kr 7.000.000,-.

Endring i finansiering slik:

Reduksjon i mva-refusjon kr 1.311.000,-

Reduksjon i bruk av lån kr 28.094.000,-

Auke i lån frå husbanken kr 7.000.000,-

Formannskapet - 47/2019

FS - behandling:

Økonomisjef Per Inge Olsen orienterte.

Oppdatert økonomirapport 1. tertial 2019 vart delt ut i møtet.

Framlegg til tilleggsvedtak frå Øyvind H. Oddekalv og Anne Grete Eide, AP:

Auke inventar til elevar ved Meland ungdomsskule kr 400 000,-.

Formannskapet ber om å få oversikt over stoda på inventar til elevar tidleg i haust.

Finansierast over disposisjonsfondet.

Tilleggsframlegg i møte:

Prosjektet "Grundersporet", 3 årig prosjekt starter hausten 2019.

Avrøysting:

Rådmannen sitt framlegg til vedtak vart samrøystes vedteke.

Tilleggsframlegg i møte vart samrøystes vedteke.

Tilleggsframlegg frå Øyvind H. Oddekalv og Anne Grete Eide vart samrøystes vedteke.

FS – samrøystes framlegg til vedtak:

Driftsrekneskapen:

1. Auke i inntekter frå skatteanslag i revidert nasjonalbudsjett og befolkningsvekst kr 2,9 mill.
2. Auke utgiftsramma til tenesteområda delegert til rådmannen å fordele: kr 1,18 mill.
3. Reduksjon i bruk av disp.fond med kr 1,72 mill.

Investeringsrekneskapen:

4. Auke i investeringsprosjekt 253 og nye prosjekter innan skule, barnehage og V/A kr 4.088.000,-
5. Reduksjon 2019 og overføring av investeringsmidlar til 2020 på følgjande prosjekt nr 380, 544, 578, 601, 654, 676, 677. Samla kr 33.492.000. Sjå vedlegg for spesifikasjon per prosjekt.
6. Auke startlån (for vidareutlån) kr 7.000.000,-.

Endring i finansiering slik:

Reduksjon i mva-refusjon kr 1.311.000,-

Reduksjon i bruk av lån kr 28.094.000,-

Auke i lån frå husbanken kr 7.000.000,-

Auke inventar til elevar ved Meland ungdomsskule kr 400 000,-.

Formannskapet ber om å få oversikt over stoda på inventar til elevar tidleg i haust.

Finansierast over disposisjonsfondet.

Prosjektet "Grundersporet", 3 årig prosjekt starter hausten 2019.

Kommunestyret - 32/2019

KS - behandling:

Framlegg til vedtak frå formannskapet vart samrøystes vedteke.

KS - samrøystes vedtak:

Driftsrekneskapen:

1. Auke i inntekter frå skatteanslag i revidert nasjonalbudsjett og befolkningsvekst kr 2,9 mill.
2. Auke utgiftsramma til tenestemråda delegert til rådmannen å fordele: kr 1,18 mill.
3. Reduksjon i bruk av disp.fond med kr 1,72 mill.

Investeringsrekneskapen:

4. Auke i investeringsprosjekt 253 og nye prosjekter innan skule, barnehage og V/A kr 4.088.000,-
5. Reduksjon 2019 og overføring av investeringsmidlar til 2020 på følgjande prosjekt nr 380, 544, 578, 601, 654, 676, 677. Samla kr 33.492.000. Sjå vedlegg for spesifikasjon per prosjekt.
6. Auke startlån (for vidareutlån) kr 7.000.000,-.

Endring i finansiering slik:

Reduksjon i mva-refusjon kr 1.311.000,-

Reduksjon i bruk av lån kr 28.094.000,-

Auke i lån frå husbanken kr 7.000.000,-

Auke inventar til elevar ved Meland ungdomsskule kr 400 000,-.

Formannskapet ber om å få oversikt over stoda på inventar til elevar tidleg i haust.

Finansierast over disposisjonsfondet.

Prosjektet "Grundersporet", 3 årig prosjekt starter hausten 2019.

Sakspapir

Saksbehandlar	Arkiv	ArkivsakID
Martin W. Kulild	FA-X31, TI-&10, TI-&01	18/2131

Saksnr	Utvalg	Type	Dato
48/2019	Formannskapet	PS	12.06.2019
33/2019	Kommunestyret	PS	19.06.2019

Godkjenning av avtale om tenestetilbud - Meland kommune og Nordhordland lensmannsdistrikt

Vedlegg:

Oppdatert avtale om tjenestetilbud - Meland

Saksopplysningar:

Bakgrunn

I politireforma er det førebyggjande arbeidet ein av dei viktigaste kvalitative endringane som skal gjennomførast og skal derfor ha stort fokus. I samband med dette arbeidet skal det utarbeidast ein gjensidig forpliktande avtale mellom politidistriktet og kommunane om tenestetilbud, politikontaktens rolle og politiråd. Avtalen skal regulera arbeidet både på operativt og strategisk nivå. Avtalen skal tilpassa behovet i kvar enkelt kommune, men stort sett omhandle dei same tema.

Tenesteavtalen mellom Meland kommune og Nordhordland lensmannsdistrikt omhandlar følgjande:

- Konkret tenestetilbud
- Politikontakten si rolle
- Politiråd
- Forventningar til samarbeid
- Særskilte fokusområder
- Organisering av samarbeidet

Vurdering

Rådmannen vurderer tenesteavtalen som eit godt fundament for korleis kommunen og politiet skal samarbeide om det førebyggjande arbeidet. Rådmannen rår til at tenesteavtalen blir godkjent.

Framlegg til vedtak:

Kommunestyret godkjenner avtalen om tenestetilbod mellom Meland kommune og Nordhordland lensmannsdistrikt

Formannskapet - 48/2019**FS - behandling:****FS – samrøystes framlegg til vedtak:**

Kommunestyret godkjenner avtalen om tenestetilbod mellom Meland kommune og Nordhordland lensmannsdistrikt.

Kommunestyret - 33/2019**KS - behandling:**

Lensmann Kjell Idar Vangberg orienterte.

Framlegg til vedtak frå formannskapet vart samrøystes vedteke.

KS - samrøystes vedtak:

Kommunestyret godkjenner avtalen om tenestetilbod mellom Meland kommune og Nordhordland lensmannsdistrikt

Sakspapir

Saksbehandlar	Arkiv	ArkivsakID
Berit M.Eskeland	FA-M21	19/1237

Saksnr	Utvalg	Type	Dato
49/2019	Formannskapet	PS	12.06.2019
34/2019	Kommunestyret	PS	19.06.2019

Bygging og finansiering av ny hovudvassleidning langs Mjåtveitvegen

Saksopplysningar:

Bakgrunn

Vassleidningsnettet på Frekhaug omfattar hovudsakleg eldre leidningar med små dimensjonar. Dei seinare åra er delar av nettet blitt oppgradert, mellom anna frå Varnappen til Frekhaug senter. Vår/sumar 2019 vert også vassleidningane i Holtermandsvegen og langs Mjåtveitvegen frå Varnappen til Badevika oppgradert i samband med prosjekt: 668 Overvasshandtering Holtermandsvegen og 792 Fortau Mjåtveitvegen. Desse oppgraderingane gjev tryggare vassforsyning og betre brannvassdekning på Frekhaug. Samtidig er det framleis behov for ytterlegare oppgraderingar, og som utgangspunkt ønskjer Rådmannen og gjere slike oppgraderingar i samband med andre infrastrukturprosjekt for å gje samdriftsfordelar og lågare kostnader.

I desember 2018 tok Egill Danielsen Stiftelse kontakt med Meland kommune for å få realisert detaljregulering for Danielsen skule vedteke 10.05.17. VA-rammeplanen viser at skulen ikkje vil få tilstrekkeleg med brannvatn ved tilkopling til dagens leidningsnett i område grunna for små leidningar. Dersom skulen skal byggast vil det vere eit krav om at brannvatn vert sikra.

For å få nok brannvatn må det leggjast ny hovudvassleidning frå Mjåtveitvegen v/Paktamyra til ny kum nær skulen. Som nemnt over er brannvassdekninga på Frekhaug ikkje god nok i fleire område, og ei ny hovudleidning frå Badevika til Paktamyra vil vere viktig for mange fleire brukarar enn berre Danielsen skule.

Vurdering

Det er kommunal praksis å sette krav til at utbyggarar byggar og kostar eit eige fordelingsnett for VA i dei enkelte byggefelt. Då vert det nye fordelingsnettet tilkopla eksisterande kommunal hovudvassleidning. I Danielsen sin situasjon vert bilete annleis grunna at det ikkje finst ein kommunal hovudvassleidning med tilstrekkeleg dimensjon som dei kan kople seg på. Denne må byggjast, og det mest hensiktsmessige vil vere å bygge leidningen før den nye skulen til Danielsen vert bygd ut. Dette fordi leidningen bør leggjast under eit nytt fortau som skal byggast langs Mjåtveitvegen ved den nye skulen. Fortauet er eit krav i reguleringsplanen til Danielsen skule og må vere på plass før den nye skulen kan takast i bruk.

Ettersom legging av vassleidninga vil inkludere grunnarbeid og overvasshandtering for fortau og veg, meiner Rådmannen at det her vil vere fordelaktig å inngå ei utbyggingsavtale med Danielsen skule som avtalefester ei fornuftig kostnadsdeling av anlegget. Samtidig vil kostnaden til vassleidning og grøft utgjere størstedelen av kostnaden med anlegget, og avtalen må reflektere dette. Avtalen vil også omfatte rekkefølgekrava til Danielsen skule som hovudsakleg omfattar bygging av fortau langs Mjåtveitvegen og ei mindre vegutviding.

Det er gjort følgjande kostnadskalkyle for vassleidningsprosjektet basert på erfaringstal for liknande prosjekt:

	m	kr	sum
Grøftepris inkl røyr	415	7500	3 112 500
Prosjektering	5 %		155 625
Sum			3 268 125
Usikkerheit	10 %		326 813
Sum kostnadsestimat			3 594 938
Avrunda			3 600 000

Rådmannen anbefaler at det vert løyvd 3,6 mill kr til prosjektet. Prosjektet vert finansiert over investeringsbudsjettet for vatn. Grunna mindreforbruk på fleire andre vassprosjekt i 2019 vil det ikkje vere nødvendig å låne inn meir midlar for å dekke finansiering av prosjektet. Årsaka til mindreforbruket er at fleire andre prosjekt er seinka med omsyn til opphavsleg framdriftsplan, og delar av kostnadene vil først kome i 2020.

Avtale om tilbakebetaling av meirverdiavgift

Etablering av vassleidninga vil vere eit kommunalt prosjekt der kommunen er byggherre og har det fulle ansvaret for gjennomføringa. Medan fortau og veg, jf. rekkefølgekrava i reguleringsplanen, vil vere Danielsen sitt ansvar å bygge. Når Danielsen sjølv er byggherre for prosjektet vil det vere mogleg å inngå ein såkalt justeringsavtale om meirverdiavgift. Rådmannen er positiv til å inngå justeringsavtale med Egill Danielsen Stiftelse for dei offentlege infrastrukturtiltaka stiftinga bygger i samband med bygging av Danielsen skule. Rådmannen ser fleire fordeler ved bruk av ein slik avtale: Den gir lågare kostnad for utbyggar, gjer det lettare å få bygd ut offentlig infrastruktur samt gir eit meir positivt forhandlingsklima.

Hovudprinsippa i ein justeringsavtale er som følgjer:

- utbyggar prosjekterer, bygger og kostar infrastrukturanlegga
- utbyggar betaler mva til staten på vanleg måte for arbeida
- utbyggar og kommunen inngår ein avtale om overføring av såkalt «justeringsrett» for mva
- arealet der tiltaket er utført, f.eks eit fortau som utbyggar har opparbeida, vert overført vederlagsfritt til kommunen
- når kommunen har overtatt anlegget/eigedomen, og det er inngått ei avtale etter justeringsmodellen mellom kommunen og utbyggar, kan kommunen foreta ei såkalt «justering» av meirverdiavgifta
- justeringa inneberer at kommunen kan kreve refundert frå staten den meirverdiavgifta som utbyggar har betalt til staten i samband med bygginga av anlegga
- tilbakebetalinga skjer over ei 10 årsperiode med 1/10 kvart år i 10 år
- kommunen kan vidarebetale heile eller deler av den refunderte momsen til den aktuelle utbyggaren
- kommunen sin avgiftsposisjon kan følgeleg kome utbyggar til gode

Ein eventuell justeringsavtale vil truleg inngås med nye Alver kommune, ettersom det er lite sannsynleg at infrastrukturtiltak i samband med skulebygginga vert ferdigstilt i år. Ein føresetnad for avtalen vil vere at den følgjer Alver kommune si til einkvar tid gjeldande politiske sak / prinsippvedtak om justeringsavtaler, og at avtaleinngåinga for øvrig følger dei til einkvar tid gjeldande lover og forskrifter.

Folkehelse – ikkje relevant

Miljø – ikkje relevant

Økonomi – går fram av saksutgreiinga

Framlegg til vedtak:

«Kommunestyret godkjenner at det vert oppretta eit eige prosjekt “Vassleidning Mjåtveitvegen” med ei ramme på 3,6 millionar kroner eks mva, finansiert over investeringsbudsjettet for vatn. Kommunestyret er positive til å inngå justeringsavtale om meirverdiavgift for dei offentlege infrastrukturanlegga Egill Danielsen Stiftelse skal opparbeide.”

Formannskapet - 49/2019

FS - behandling:

FS – samrøystes framlegg til vedtak:

Kommunestyret godkjenner at det vert oppretta eit eige prosjekt “Vassleidning Mjåtveitvegen” med ei ramme på 3,6 millionar kroner eks mva, finansiert over investeringsbudsjettet for vatn. Kommunestyret er positive til å inngå justeringsavtale om meirverdiavgift for dei offentlege infrastrukturanlegga Egill Danielsen Stiftelse skal opparbeide.

Kommunestyret - 34/2019

KS - behandling:

Famlegg til vedtak frå formannskapet vart samrøystes vedteke.

KS - samrøystes vedtak:

Kommunestyret godkjenner at det vert oppretta eit eige prosjekt “Vassleidning Mjåtveitvegen” med ei ramme på 3,6 millionar kroner eks mva, finansiert over investeringsbudsjettet for vatn. Kommunestyret er positive til å inngå justeringsavtale om meirverdiavgift for dei offentlege infrastrukturanlegga Egill Danielsen Stiftelse skal opparbeide.

Sakspapir

Saksbehandlar	Arkiv	ArkivsakID
Øyvind H. Oddekalv		19/1416

Saksnr	Utvalg	Type	Dato
35/2019	Kommunestyret	PS	19.06.2019

Utpeiking av setjeordførar

Saksopplysningar:

Grunna ferieavvikling for ordførar og varaordførar i slutten av juli, er det trong for at kommunestyret peikar ut ein setjepordførar for perioden 13. – 27. juli 2019. Vanlegvis planlegg ordførar og varaordførar slik at ein unngår dette, men slik det ser ut no kan det vere behov for at ein har ein setjeordførar i denne perioden.

Framlegg til vedtak frå ordførar:

Kommunestyret utpeikar Anne Grete Eide til setjeordførar i perioden 13. – 27. juli 2019.

Kommunestyret - 35/2019

KS - behandling:

Avrøysting:

Framlegg til vedtak frå ordførar vart samrøystes vedteke.

KS - samrøystes vedtak:

Kommunestyret utpeikar Anne Grete Eide til setjeordførar i perioden 13. – 27. juli 2019.

Grunngjeve spørsmål for kommunestyret 19 juni 2019

Frå: Meland FRP v/Øyvind Bratshaug

Sak: Kvalitet på vatn i Meland

I lys av dei utfordringar vi har sett frå Askøy kommune om svikt i målingar av kvalitet og dei konsekvensar som følg med.

Kan ordførarar gjere greie for kommunestyret korleis Meland kommune overvakar vatn kvalitet i kommunen?

Meland Frp

v/ Øyvind Bratshaug

Svar på grunngjeve spørsmål om kvaliteten på vatn i Meland kommune

Dette spørsmålet frå FrP v/Øyvind Bratshaug gjeld korleis Meland kommune overvakar vasskvaliteten i kommunen. Bakgrunnen for spørsmålet er «dei utfordringar vi har sett frå Askøy kommune om svikt i målingar av kvalitet og dei konsekvensar som følg med.»

Det er heilt på sin plass å setje fokus på det som er noko av det viktigaste vi som kommune har ansvaret for, drikkevatt og kvaliteten på det. Og eg misunnet ikkje det Askøy kommune har vore gjennom dei siste vekene, verken innbyggjarane eller dei ansvarlege i kommunen.

Som sagt er dette eit svært viktig felt, derfor stilte AP v/Anne Grete Eide spørsmål om kva tiltak og rutinar Meland kommune har for å kunne tilby innbyggjarane våre sikkert vatn, på møtet i formannskapet 12. juni. Svaret eg gir er basert på svaret rådmannen v/teknisk sjef gav i det møtet. Meland kommune har rammeavtale om laboratorietenester med Eurofins. Prøvepunktene er i alle råvasskjelder (medrekna reservevasskjelder), hovudvassreinseanlegg, høgdebasseng og enkelte sårbare bygg som sjukeheimen og omsorgsbustader (samla anlegg). Ved høgdebassenga blir prøver tatt frå kran på leidning ut. Prøveplanen er til ei kvar tid godkjent av Mattilsynet. Høgdebassenga blir jamnleg reinsa og «slamsugd», her fins det avtale med eksternt firma. Innbyggjarane blir SMS-varsla (adressebasert) umiddelbart om noko oppstår, *før* vi dobbeltsjekkar problemet.

Når det gjeld investeringar i nyanlegg, har vi etter kvart fått kommunal vassforsyning ut i alle deler av kommunen. I tillegg har vi fått eit godt utbygd ringleidningssystem (unntak for ei siste etappe nord i kommunen). Nytt hovudvassverk er godkjent og byggearbeidet startar snart. Gamalt leidningsanlegg blir skifta ut enten som eigne prosjekt eller i samband med andre prosjekt, t.d. veg (skal gå gjennom deler av lista). Vassavgifta er høgare enn i enkelte andre kommunar, men til gjengjeld har innbyggjarane ei relativ trygg vassforsyning.

Frekhaug, 19.6.2019

Øyvind H Oddekalv

ordførar

Tema: Kjønn og likebehandling i karaktersetting.

Forskning.no hadde nylig en artikkel ved tittel: «Derfor får gutter for dårlige karakterer». Artikkelen baserte seg på tre forskningsrapporter. I tillegg hadde nylig NRK Brennpunkt en dokumentar om likestilling der de samme resultatene kom frem.

Rapportene viser det samme: I standpunkt karakter i Matte, Engelsk og Norsk får gutter 10% lavere karakter enn jenter. Men i nasjonale prøver der navn og kjønn er anonymisert får guttene marginalt høyere karaktere enn jenter. Dette er en systematisk forskjellsbehandling som hindrer gutter i å komme inn på høyere utdanning.

Resultatene for de nasjonale prøvene er tilgjengelig på Internett for alle. Tallene for Meland viser at Gutter scorer høyere i Engelsk og Matte. I lesing er jentene marginalt sett bedre. Dette stemmer godt overens med resultatene for landet under ett.

Standpunktkarakterene for Ungdomskolene i Meland er dessverre ikke tilgjengelig på Internett. Spørsmålsstiller kan derfor ikke si noe om disse tallene.

Som skoleeier er det vår plikt og sørge for likebehandling av alle mennesker, også når det er menn som blir diskriminert.

Spørsmål:

1. Hva er standpunktkarakterene, fordelt på kjønn, til de elevene som deltok i de Nasjonale prøvene i 2018?
2. Dersom det er forskjeller, hva tenker Ordfører at vi kan gjøre for å unngå denne forskjellsbehandlingen?

Resultat nasjonale prøver Meland 2018

Engelsk		Lesing		Regning	
Gutt	Jente	Gutt	Jente	Gutt	Jente
49	48	48	49	49	46

Kilde: Nasjonale prøver 2018

Standpunkt karakter samme elever som deltok i nasjonale prøver.

--	--	--	--	--	--

Lenker:

<https://forskning.no/skole-og-utdanning/derfor-far-gutter-for-darlige-karakterer/1332125?fbclid=IwAR1saXD9KRKA9jeUKShG1weRpPNJMeCwLfl-RtY5faCnlzkRT9W95hlvetc>

[https://www.udir.no/tall-og-forskning/statistikk/statistikk-grunnskole/nasjonale-prover-8.-og-9.-trinn/?rapportsideKode=GSK NP Geografisk&filtre=EierformID\(-10\) EnhetID\(-12\) KjoennID\(-10\) SkoleAarID\(20182019\) TrinnID\(7\) VisAntallElever\(1\) VisFritattIkkeDeltatt\(0\) VisMestringfordeling\(0\) VisSpredning\(0\) &radsti=F!\(1\) \(*\) \(1.*\)](https://www.udir.no/tall-og-forskning/statistikk/statistikk-grunnskole/nasjonale-prover-8.-og-9.-trinn/?rapportsideKode=GSK NP Geografisk&filtre=EierformID(-10) EnhetID(-12) KjoennID(-10) SkoleAarID(20182019) TrinnID(7) VisAntallElever(1) VisFritattIkkeDeltatt(0) VisMestringfordeling(0) VisSpredning(0) &radsti=F!(1) (*) (1.*))

https://www.nrk.no/dokumentar/xl/fem-myter-om-likestilling-1.14542055?fbclid=IwAR2qRjNB-UiN_5Kt8ZTpfhUaT66MvSfyoWWVzUi3khGrBBcPDbVqpYjqW84

Svar på grunngeve spørsmål om kjønn og likebehandling i karaktersetting

Sigmund Larsen (FrP) har stilt to spørsmål som gjeld kjønn og likebehandling i karaktersetting i ungdomsskolen, underforstått at gutar får dårlegare karakterar enn jenter, noko som vil vere ein systematisk forskjellsbehandling. Styrka til den norske fellesskolen er at den skal gi alle barn høve til å lukkast uavhengig av bakgrunn, kjønn og kognitive og fysiske forskjellar. Så det er ei viktig problemstilling representanten Larsen tar opp.

Nasjonale prøver blir på ungdomsskolen gjennomført på 8. og 9. trinn, men ikkje i faget engelsk på 9. trinn. Årskulla som deltok på nasjonale prøver hausten 2018 har enno ikkje fått standpunktkarakter. Det siste årskullet som har gjennomført nasjonale prøver på ungdomsskolen, og fått standpunktkarakter er vist i tabellar under. Desse elevane gjennomførte nasjonale prøver på 8. trinn hausten 2015, på 9. trinn hausten 2016 og fekk standpunktkarakter etter avslutta grunnskule våren 2018. For dette kullet viser tala både frå nasjonale prøver og standpunktkarakter at gutane presterer dårlegare enn jentene på dei fleste fagområda.

Hausten 2019 skal det leggjast fram ei stortingsmelding om tidleg innsats og inkluderande fellesskap. Denne meldinga skal blant anna følgja opp og vurdere Stoltenberg-utvalet sin rapport levert 1. februar 2019 om kjønnsforskjellar i skulen (NOU 2019: 3 *Nye sjanser - bedre læring*). Utvalet skulle samla kunnskap om kvifor kjønnsforskjellar i skulen oppstår, og komma med forslag til tiltak som kan motverka slike forskjellar.

Rapporten viser til at det er store systematiske kjønnsforskjellar i utdaningsløpet i dag. Kjønnsforskjellane i lesing og rekning er små i starten av grunnskolen, men utviklar seg deretter i favør jenter særleg i tenåra. Ein gut har i gjennomsnitt mellom sju og ni karakterar på vitnemålet som er lågare enn det ei jente i gjennomsnitt har. Nasjonalt er det berre i kroppsøvingfaget gutar gjer det betre enn jenter etter avslutta grunnskule. Årsakene til denne utviklinga er ikkje godt nok kjent, og utvalet meiner ein i mykje større grad må nytte systematisk kunnskap for å utvikle kvaliteten til barna i utdanningssystemet og forstå kvifor kjønnsforskjellar oppstår.

Forskinga tyder på at jenter og gutter presterer ulikt på ulike områder i skulen. Utvalet meiner at dei vala ein i dag kan gjera på ungdomsskolen ikkje tar nok omsyn til at jenter og gutter kan ha svært ulike interesser. Særleg er det i vurderingssystemet ein i dag har ei ulempe for gutar.

For å betre skulen sitt innhald og organisering foreslår Stoltenberg-utvalet m.a. å:

- Innføre krav om at ungdomsskulane må tilby minst fem valfag.
- Innføre rutinekrav for fastsetting av standpunktkarakterar, og stille strengare krav til utforming og utprøving av eksamenskarakterar.
- Innføre poengberekning av standpunkt- og eksamenskarakterar på vitnemålet.

Stortingsmeldinga som er venta i haust, skal følgja opp og vurdere forslaga i Stoltenberg-rapporten. Dei kjønnsforskjellane ein ser i Meland-skulen i dag knytt til vurderingssystemet, er lik dei utfordringane ein møter i utdanningssystemet i heile skule-Norge. Og dei tiltaka som er venta å kome i haust, vil danne grunnlag for korleis ein skal motverka skilnadane og for elevane i Meland kommune.

Resultat nasjonale prøver Meland 2015 (8. trinn)

Engelsk		Lesing		Rekning	
Gut	Jente	Gut	Jente	Gut	Jente
48	50	48	51	48	49

Kjelde: Nasjonale prøver analyse resultat

Resultat nasjonale prøver Meland 2016 (9. trinn)

Engelsk		Lesing		Rekning	
Gut	Jente	Gut	Jente	Gut	Jente
-	-	52	55	53	52

Kjelde: Nasjonale prøver analyse resultat

Standpunktkarakter

<i>Kan innehalde data under publiseringsgrensa</i>			
Skoleporten - Standpunktkarakterar			
Eining: Meland kommune			
Meland kommune, Grunnskule, Standpunktkarakterar, Alle eigarformer, 2017-2018, Trinn 10			
Indikator og nøkkeltall	Begge kjønn	Gutar	Jenter
Engelsk skriftleg standpunkt	4,1	3,9	4,4
Engelsk munnleg standpunkt	4,4	4,2	4,6
Spansk 1 standpunkt	4,3	4,0	4,5
Tysk 1 standpunkt	4,0	.	.
Kunst og handverk standpunkt	4,6	4,4	4,7
Kroppsøving	4,8	5,0	4,6
Matematikk standpunkt	3,6	3,6	3,6
Mat og helse standpunkt	4,7	4,4	4,9
Musikk standpunkt	4,8	4,6	5,0
Naturfag standpunkt	4,2	4,2	4,3
Norsk hovudmål standpunkt	3,8	3,5	4,2
Norsk sidemål standpunkt	3,9	3,6	4,2
Norsk munnleg standpunkt	4,0	3,7	4,3
Kristendom, religion, livssyn og etikk (KRLE) standpunkt	4,6	4,3	4,9
Samfunnsfag standpunkt	4,6	4,5	4,7

Frekhaug, 19.6.2019

Øyvind H Oddekav
ordfører